

- 1.Сифат сўз туркумининг тарихий тараккиёти.
- 2.Сифат ясалиши.
- 3.Сифат даражалари ва унинг интенсив формалари.

XV—XIX асрларга мансуб манбалар тилида кайд этилган сифатлар ҳам умуман туркий тиллардаги, хусусан, ўзбек тилидаги сифатларга хос барча хусусиятларга эга бўлиб, булардан асосийлари куйидагилар:

Нарса-предмет ва ходисаларнинг белгисини билдириш сифатнинг семантик асосидир. Белги билдириш хусусияти ва табиати жихатидан туб (аслий) ва нисбий сифатлар бир-биридан қисман фаркланувчи ўзгачаликларга эгадир:

туб сифат ифодалядиган белги тушунчаси шу сифатнинг тўғридан-тўғри маъносидан англашиладиган ранг, тус, тур, там, маза, хажм, вазн, меъёр, сатх, микёс каби доимий сифатий белгилар билан боғлиқ бўлади, бу доимий сифатий белгилар конкрет ва абстракт характерда бўлиши мумкин: ак алма, ак қўл, аччық дәнўк, аччық дард каби; нисбий сифатда эса белги тушунчаси шу ясама сифатга асос бўлган сўздан англашиладиган нарсa-предмет ёки ходиса маъноси билан боғлиқ бўлиб, унинг белги хусусияти бошқа турдаги нарсa-предмет ёки ходисага турли даражада нисбат берилиши орқали ифодаланади.

Туркий тилларда, жумладан, ўзбек тилида сифат тарихан морфологик кўрсаткичи унча тараккий этмаган сўз туркуми саналади. Тадқиқотчиларнинг фикрига кўра сифат даставвал мустикал сўз туркуми сифатида мавжуд бўлмаган, у сўнгрот туркумидан ўсиб чиққан ва шаклланиб ривожланган.

Э. В. Севортяннинг таъкидлашича, сифатнинг отдан дифференциацияланиш жараёни анча илгариги даврларда бошланган, V—VIII асрларга келиб бу жараён анча кенг тус олган. Сифатнинг жамланиши ва кристаллашиши аста-секинлик билан турли даврларда пайдо бўлган турли формалар хисобига юз берган. Бу формаларнинг айримлари қадимдаёқ қаммасул бўлган, айримлари эса ўз сермасуллигини ҳозирги кунларгача сақлаб қолган ва ҳатто янада кенгайтирган. Айрим формалар от ва сифат учун мушггарак бўлган, айримлари фақат сифатгагина тегишли бўлган, лекин кейинги даврларда тараккий қилмаган [Севортян 1963, 58].

Туркий тиллар тараккийёт босқичининг қадим даврларидан бошланган сифатнинг отдан ажралиб чиқиши узлуксиз ходиса бўлиб, бу жараён хануз давом этмоқда. Бундан ҳамма сифат ҳам отдан ажралиб чиққан, деган фикр келиб чиқмаслиги керак. Чунки сифат мустикал категория сифатида ажралиб чиққандан кейин бу туркум таркибига янгидан қўшилган белги ифодаловчи бир қатор туб ва ясама сўзлар, ясовчи аффикслар мавжудки, уларнинг келиб чиқиши ва табиати ҳозирча аниқланган эмас.

Сифат туркумига оид сўзларнинг қатта қисмини ясама сифатлар ташкил қилади. Ясама сифатлар икки хил йўл билан: морфологик (аффиксация) ва синтактик (композиция) ҳосил қилинади.

Морфологик усул билан сифат ясалиши. Морфологик усул билан сифат ясалиши узок тарихга эга бўлган асосий усулдир. Сифат ясалишига асос бўлган ўзак морфема исм ёки феъл туркумига оид бўлишига қараб ясовчи морфемалар ҳам исмлардан ёки феъллардан сифат ясовчи тарзида иккига бўлинади.

Сифат ясовчи аффикслар тарихан қўп бўлмаган, улар ҳозир ҳам унчалик қўп эмас.

Текширилаётган давр тилида улар кўлланиш даражасига кўра бир хил эмас, баъзилари унумли, баъзилари эса унумсиздир.

Исмлардан сифат ясовчи аффикслар. Исм туркумига оид сўзлардан сифат ясашда куйидаги аффикслар кўлланган:

-лыг/-лиг, -лук/-луг, -лқк/-лқк. Ушбу аффикс вариантлари–нинг ишлатилишидаги фонетик шароит куйидагича:

Таркибида лабланмаган унлилардан бири бўлган бир бўгинли, шунингдек, барча ёки сўнгги бўгинида шу унлилардан бири бўлган кўп бўгинли каттик негизларга аффикснинг асосан лабланмаган орка катор вариантлари, юмшок негизларга эса олд катор вариантлари кўшилади: агызлык, йазлык, баглык, татлык, йашлык, канлык, билиглиг, корганлык, атлык, йараглык, эвлик, йамаглык, кэчўлик.

Лабланган унлили бир бўгинли, шунингдек, барча ёки сўнгги бўгинида лабланган унлиси бўлган каттик негизларга аффикснинг лабланган орка катор вариантлари, юмшок негизларга олд катор вариантлари кўшилади: бойлук, кайгулук, отлук, андухлук, қчлқк, йқзлқк, олтурушлук, кЈрқлқк, тқрлқг, қутлук, отлуг отлук, йамгурлук, тқлқк, уйлук, йосунлук, сқтлқк, қлгқлқк, қчлқк, сқйқлқк.

Баъзан бу умумий қонуниятнинг бузилиши кузатилади; лабланмаган унлили негизларга аффикснинг лабланган вариантлари, шунингдек, орка катор вариантлари юмшок ўзакларга ва аксинча, олд катор вариантлари каттик негизларга кўшилиб келади. Бу ходиса, айниқса, XVII—XIX асрларда кўпроқ кузатилади.

-лы/-ли, -лу/-лқ. Бу аффикс вариантларининг ишлатилишида ҳам асосан сингармонизм қонуниятига амал қилинган: олд катор вариантлари юмшок негизларга, орка катор вариантлари каттик негизларга кўшилган: кэндли, отлы, йаглы, татлы, мэғизли, кэрўкли, билигли, йаралы, йакалыг каби. Лабланган -лу/-лқ вариантларининг кўлланишида бошқачароқ манзара кузатилади; сингармонизм қонунига биноан таркибида лаб унлиларидан бири бўлган бир бўгинли ёки сўнгги бўгинида шу унлилардан бири бўлган икки ёки кўп бўгинли каттик негизларга аффикснинг орка катор вариантлари, юмшок негизларга олд катор вариантлари кўшилиши керак бўлгани холда, бу қонуниятга мос ишлатилиш сийрак кузатилади: отлу, туглу, к£злқ, йузлу, кЈрқлқ каби мисоллар кам учрайди. Кўп холларда лабланган унлиси бўлмаган сўзларга аффикснинг лабланган вариантлари, аксинча, лабланган унлили сўзларга аффикснинг лабланмаган вариантлари кўшилиб келади: гамлу, намлу, баглу, йоллыг, койлы, туглы, кЈкли кЈзли каби.

ги/-гы, -кы/-ки аффикси қадимий махсулдор морфемалардан бўлиб, Ўрхун-енисей, қадимги уйгур ёзуви обидалари, XI—XIV асрларга мансуб ёдгорликлар тилида ҳам анча кенг кўлланган: Байақы йолга тегдилўр (ҚР). Жавхар балчыкка тушса, бурунги бикин нафис турур (СС). Астындакы азакларына кара кушларны баглады (ҚР). Бу элқиндўки нарсалар нэ турур(НФ).

-дагы/-дўги, -дакы/-дўки. Бу аффикс асосан отларга кўшилиб, ўринга ва пайтга мансублик маъносидаги сифат ясайди:

-сыз/-сиз. Бу аффикс асосан отларга кўшилиб ўзакдан англашилган нарсага, холатга, хусусиятга эга эмаслик маъносини ифодаловчи сифат ясайди: Васл ноши дунйада болмас, Атāйи нишсиз(Атойи).Капугын эшики йарагсыз турур(ҚР).

Эски ўзбек тилида форс-тожик тилидан ўзлашган куйидаги аффикслар ҳам фаол кўлланган:

-ий. Адабиётларда «ёйи нисбат» деб юритилади ва нисбий сифат ясайди:

Шах кылыб хылъатыны райхāний,

Рāст андак ки сарви бостаний

(Хамса)

-нāк. Отдан муайян белгига эга бўлган сифат ясайди: ... лаъли āташнāк (Махб.к), ... к£!л̄м гамыдын ул гамнāк (Махб.к).

-г̄н. Ранг билдирувчи сифат ясайди:

Субхыдам ким сипехри минāг̄н

Йэрни байзāдын этти байзāг̄н.

(Хамса).

-ваш. Ёхшатиш маъносидаги сифат ясайди:... шахзāдайи париваш... (Мах.к.), ... мāхваш сāкий... (Мах.к.).

-вār. Ёхшатиш маъносидаги сифат ясайди: бузургвār, умидвār. ... дурри шāхвār ̄з̄л̄п̄ йэрг̄Ү т̄шти (Мах.к.).

Бу аффикслардан ташкари, -ин, -фām, -āний сифат ясовчи аффикслари хам кўлланган. Феълдан сифат ясовчи аффикслар. Феълдан сифат ясовчи аффикслар унчалик кўп эмас. Улардан факат биргина аффикс сермахсул бўлиб, колганлари кammaхсул ва ўта кammaхсул аффикслардир.

Улар куйидагилар:

-г/-г, -к/-к(ыг/-иг, -ык/-ик, -уг/-µг, -ук/-µк). Аффикс вариантла- рининг кўплиги сингармонизм конуни амалда бўлганлигидан далолат беради. Бирок юмшоклик-каттиклик ва лаб гармонияси коидасининг бир кадар бузилиши кузатилади, жарангли ва жарангсиз ундошли вариантлар ишлатилишида муайян конуният ва фонетик шароитни белгилаш кийин. Чунки айрим манбаларда асосан жарангсиз ундошли вариантлар ишлатилса, уларнинг кўпчилигида (хатто бир сўз доирасида хам) хар иккала вариант баравар кўлланаверади. Лекин умумий нисбатига кўра жарангсиз унлили вариантлар аксариятни ташкил килади.

Феъдан сифат яшашда энг сермахсул бўлган бу аффикс ёрдамида ясалган сифатларда ўзакдан англашилган маъно билан боглик белги-хусусиятга эгалик тушунчаси ифодаланеди: Демасун коркак (ШН). Бу руд курук руддур, мунда харгез сув болмас (БН).

-н(-ын -ин, -ун, -µн, -ан, -Ўн). Кадимий восита келишигининг бу аффикси ўзининг биргалик маъноси асосида сўнгрок сўз яшаш функциясини хам касб этган. У ўзакдан англашилган белгига эгалик маъносини ифодаловчи сифат ясаган: Недин толун ай йузу| илЎ хусн талашур (Атоий). Кийамат азабындын йакынму турур (ТФ).

л(-ыл/-ил). Бу аффикс айрим феъллардан ўзакдан англашилган харакат ёки холат белгисига эгалик маъносини ифодаловчи сифат ясайди: Дунйаны| тугал малыны берса| (НФ).

Шу билан бирга, -ыр / -ур (Бу агыр ишкЎ оградимыз (КР)), -ри / -ры (Куйы эгрилиги чындур (Лутфий)) кўшимчалари билан хам сифат ясалган.

Синтактик (композиция) усул билан ясалган сифатлар сифат туркумига мансуб лексик бирликларнинг катта кисмини ташкил килган. Улар сифат ва бошка туркумларга мансуб сўзларнинг бир-бири билан турли комбинацион воситалар ёрдамида бирикуви, жуфтлашуви, такрорлануви ва тизилуви оркали хосил бўлган. Улар таркибий кисмларининг бирикув тарзига кўра кўшма ва мураккаб сифат ясалади.

Синтактик усул билан ясалган сифатлар тургун бўлмайди ва укўпрок услубий вазифа бажаради: кара й̄зл̄к башы (Навоий), кара тамгалык ай (Лутф.).

Сифат даражалари. Сифат даражаларининг туркий тилларга хос хар учала тури ва хар

бир турнинг ифодаланиш усуллари бу давр тилида ҳам мавжуд.

Хозирги ва ўтмиш лингвистик адабиётларда сифатнинг оддий, киёсий ва орттирма даражалари хақида фикр юритиб келинган ва унда рус тили қолипидан келиб чиқилган. Ўзбек тилидаги сифатлар эса бу қолипка тушмайди, балки оддий даража, белгининг камлиги даражаси ва белгининг орткилиги – қучайтирув даражасини фарқлаш имкониятини беради.

Оддий даража. Бошқа даражаларнинг ҳосил бўлиши учун негиз вазифасини бажаради ва белги нейтрал даражада бўлади. Бу шакл “ноль” шакл бўлиб, унда аффикс қатнашмайди.

Белгининг камлиги эса бир неча аффикслар орқали ҳосил қилинади:

-рак/-рўк.

Ким ки улуграк, а|а хыдмат керўк

Ул ки кичикрўк, а|а шафкат керўк.

(Хамса).

-мтул. Қызымтул, қарамтул, йашымтул (Мабоинул-лугат).

Белгининг камлиги даражасида сифатга ҳос бўлган асосий белгининг камлигини билдирмайди, балки бошқа белгида сифат ифода қилаётган белгидан қисман мавжудлигини аңлатади.

Белгининг орткилиги ва қучлилиги даражаси. Бу даража сифатларни тўлик ва тўликсиз такрорлаш ҳамда сифат олдидан равишларни келтириш орқали ҳосил қилинади.

Тўла такрор: Ме|излўри г-л-г-л, қабағлары ке|-ке| (Навоий). Баъзан бундай сифатларнинг биринчи қисмида чиқиш келишиги аффикси ҳам қатнашади ва маънонинг янада қучайтирилишига хизмат қилади: Зāхирим авқаты йамандын-йаман (Навоий).

Тўликсиз такрор. Бунда биринчи бўгин п,м ундошлари иштирокида такрорланади: ап-ачыг, ап-ак, йуп-йумалак, чуп-чукур, йўм-йўшил (Мухок.луг.).

Сифат олдидан равиш сўзлари келтирилади: Багайат бийик киши (Навоий), асру ке| (Бобир).

Таъқидлаш зарурки, -рак/-рўк аффиксли шаклларда киёс маъноси йўқ эмас, балки белгининг камлиги маъноси бош маънодир.

Савол ва топшириқлар:

1. Сифат ясовчи эски ўзбек тилига ҳос бўлган қўшимчаларни сананг.
2. Эски ўзбек тилида орттирма даражадаги сифатлар қандай ҳосил қилинади?
3. Белгининг орткилиги ва қучлилиги формалари қандай ҳосил қилинади?
4. Сифат даражалари шаклланишининг хозирги ўзбек тилидан фарқли томонларини изоҳлаб беринг.

Таянч тушунчалар:

Сифат даражалари – сифатларда белги микдорининг ифодаланишини билдирувчи грамматик шакллар жами.

Оддий даража – белгининг камлиги ва орткилигини ҳосил қилиш учун негиз вазифасини бажарувчи шакл, белги нейтрал акс этади.

Белгининг камлиги – сифат лексемасига ҳос бўлган асосий белгини эмас, балки бошқа сифатдаги белгининг қисман акс этишини билдиради.

Белгининг ортиклиги(кучлилиги) – белгининг одатдаги меъёридан ортик эканлигини ёки кучайтириб берилишини ифодаловчи шакл.